

# გზაელი

იუმორისტული  
ჟურნალი

№ 9


# მართაობი

ფასი 10 კაპ.

ქართა, 26 აპრილი

1915

## მცხელის გატაცება



ძველათ საქართველოში გასათხოვარ ქალებს იტაცებდნ და შეიარაღებული მაცრები უკან მიჰყვებოდეს დღეს საქართველოში მდიდარ ვაჭრებს იტაცებენ და შეიარაღებული მაცრები იქით გარბიან.

### კველათ და ახლა

„ყურძნის ქურდი იანვარში გამოჩნდებოა“ ნათქვამია, და მართლაც დღევანდლამდე თუ ეს გამეზილა, შეიძლება აღუღებულ კუბარში ამომეყოთაი.

ჩვენ, ჯოჯოხეთში, ძლიერ სასტიკი კანონები

გვაქვს საზოგადოთ და კერძოთ კი ვაჭრების მოტაცებისათვის. მიუხედავად ამ სასტიკი წესებისა, ჩემს ახალგაზრდობაში მარტო ჩემმა ჯგუფმა მოიტაცა 38 პირველი გილდისა, 69 მეორე გილდის ვაჭარი, 45 მილიონერის ბავში და 10 ბანკირი.



გლებ ეშმაკებში, ბურჟუა ეშმაკებში და თითქმის ინტელიგენტ ეშმაკებშიაც ჩვენი ჯგუფის შესახებ პირადაპირ ზღაპრული ხმები იყო გავრცელებული. აქ რასაკვირველია ძნელია ყოველივე იმის ჩაოთვლა, რასაც ჩვენზე ლაპარაკობდნენ, ვიტყვი მხოლოდ, რომ ჩვენი სახელი ათასჯერ უფრო პოპულიარული იყო, ვიდრე ცნობილი ზელიმ-ხანისა.

მას შემდეგ სამოცი წელი გავიდა, მე თითქმის ორმოცი წლისა გავხდი, ძველი ნამოქმედარი დავიწყებას მივცა და ამიტომაც ჩემი ისტორიის გამხელა ახლა აღარავითარ საფრთხეს არ მიქადის, ხოლო საინტერესო კი მასში ბევრია.

პირველ ყოვლისა საქირათ ვრაცხ მოვახსენოთ, რომ ადმინისტრატიული მხარე ჯოჯოხეთის წეს-წყობილებისა თითქმ ს არაფრით განირჩევა აქ არსებულისაგან, თუ მხედველობაში არ მივიღებთ სახელმწიფო ენას.

უმადლესი ადმინისტრატიული გვამი ჩვენში **ბელზებელი** ვახლავთ, ღირსებით ის თითქმის გუბერნატორზე მეტა; ბელზებელის დაბლა დგანან სატანა და ტარტაროზი. ესენი ღირსებით დაახლოებით პოლიციმეისტერსა და მაზრის უფროსებს უდრიან. კუდიანი — ჯოჯოხეთის ბოქაულია, ხოლო ქინკა — საერობო დარაჯი, ანუ სტრაჟნიკი ქინკაზე უფრო დაბალი მოხელე, (მ გალითიდ მეფეზოვეს მისადარი) ჯოჯოხეთის ადმინისტრაციას არა ჰყავს.

ჩვენ, ეშმაკ ექსპროპრიატორთა ჯგუფს, **სიკვდილის ცელს** გვეძახოდნენ. ჩვენი შიშით მთელი ჯოჯოხეთის ბურჟუები ძრწოდნენ. ვერ წარმოიდგენთ, როგორ მცინებოდა გუნებაში, როცა გავიგანებდი: „სიკვდილის ცელი“ ისევე მიუწოდებელია ჯოჯოხეთის ადმინისტრაციისათვის, როგორაც ძროხისათვის ვარსკვლავებია“ მეცინებოდა იმიტომ, რომ მთელი ჩვენი დიდება არსებითად იმავე ჯოჯოხეთის ადმინისტრაციას ეკუთვნოდა, მაგრამ უმჯობესი იქნება თითონ ფაქტები ვალაპარაკოთ.

1905 წელს, როცა ჯოჯოხეთმა ომი გაათავა ქაჯეთთან, ბრძოლის ველიდან დაბრუნდა ცნობილი ტარტაროზი ბ-ნი ფხუკი. ის ჯოჯოხეთის ჯარს სურსათს აწვდიდა და მასთანამე გასაკვირიც არ არის, თუ ომიდან მილიონების პატრონი დაბრუნდა.

ეს ამბავი და ამასთანავე წმინდა რაოდენობა ფულებისა ჩვენ გვაცნობა ბ-ნი ბელზებელის მდივნის მამიდაშვილმა: მთელი ჯგუფი ფეხზე დადგა, სწრაფთა გაიბა ფარული მოლაპარაკება მთელს ადმინისტრაციასთან, ბელზებელიდან დაწყებული, ვიდ-

რე უბრალო ქინკებამდე. მონაწილედ გავიხადეთ აგრეთვე ქ-ნი ფხუკიც, რომელსაც ქმარი ისე უყვარდა, როგორც მართლ მორწმუნე მაჰმადიანს ღირის ხ-რცი. გატაცების გეგმა ბ-ნმა კუდიანმა შეადგინა და იმდენათ ოსტატური გამოდგა, რომ უკამათოდ მიიღო მთელმა ჯგუფმა.

დავნიშნეთ დღე. კვირა დღით ბ-ნი ფხუკიმუდამ ბაზარზე, დაიარებოდა ძველი ნივთების საყიდათ. ჩვენც სწორედ ეს ადგილი ავირჩიეთ მის მოსატაცებლათ. იმ დღეს თითქმის მთელი ბაზარი გაქედილი იყო ხალხით, ქუჩებში დიდის გაქვივრებით შეედლო კაცს გაძრომა. ეტლის შოვნა მით უმეტეს შეუძლებელი იყო.

წვერ შედებილი ბ-ნი ფხუკი შორიდანვე ეიცანით. მე როგორც განკარგულების მიმცემი განზე ვიდექი. პერველი სიგნალისათანავე წამოიღო ზურგზე ჩვენმა ჰერკულესმა ახოვანი ფხუკი, მეორემ პირში ყაბალახი ჩაუდო რომ ყვირილის საშვალემა მოესპო და გავსწიეთ.

ეშმაკებში დიდი აურ-ზაური დატრიალდა დაფაცურდენ კუდიანები, ქინკები. საზარელი სროლა ატყდა ეშმაკები საშინლად დაფრთხენ და მიმოიფანტენ. ამით ისარგებლეს ქინკებმა და კუდიანის წინამძღოლობით თანახმად გეგმისა და მოჰკურცხლეს დასავლეთისკენ. ჩვენ კი არხეინათ მივთარევედით ზურგით აღმოსავლეთისაკენ უზარ-მაზარ ცხოველს, ვიდრე ურემს ვიშოვიდით რის ვაი ვავლახით დავადეთ ურემზე, დავაწყეთ ზემოდან რამოდენიმე ღერი შეშა და თვით ბელზებელის სარდაფს მივადექით. დარაჯმა ქინკებმა მარდათ დასცალეს ურემი და „შეშა“ სარდაფში ჩაალაგეს.

მეორე დღეს ყველა გახეთები საესე იყო ამ ამბის აწერილობით. პუბლიცისტები საშინლათ შფოთავდენ. ვინ რა სახელს არ უწოდებდა მას: „მძარცველთა იერიში“, „შანტაჟისტების თავგასულობა“, „დროა ავლაგმოთ!“, „თავადებული თარეში“, „სადაა ადმინისტრაცია!“, „აივსო მოთმინების ფილა!“ „ნუ თუ აღარ კმარა?“ „მოთმინებასაც საზღვარი აქვს!“ „მუსრი მაგათ“. და სხვა მრავალი ამგვარი მკვახე წერილი გამოქვეყნდა იმ დღეს; ვკითხულობდით ჩვენ ყოველივე ამას და გუნებაში გვეცინებოდა.

მესამე დღეს გაუგზავნეთ ქნ ფხუკს მაშვალი ეშმაკი და მოვთხოვეთ 600000 მანეთი. კუდიანს უკვე დაეყენებია ბ-ნი ფხუკის სახლთან დარაჯი ქინკა, მაგრამ პირობისამებრ ის იღვა წინა კარებში, ხოლო სახლის უკანა გასასვლელი სრულიად თავისუფალი იყო. თვით ტარტაროზმა ინახულა



ქალბატონი ფხუკი და აღუთქვა 24 საათში მტაცებელთა შებყრობა. გააფრთხილა აგრეთვე, რომ მას ფული არ გაეღო და ამით მძარცვლები არ წაეთამამებია.

მეორე დღეს, დილით, დაიჭირეს ერთი სოფლიდან ჩამოსული მეურმე ეშმაკი. გამოირკვა რომ მის ჟურემს ორი თვალი ჰქონდა და (ასეთი იყო ის ჟურემი; რომლითაც ბ-ნი ფხუკი გაიტაცეს) ეჭვი აიღეს; — ალბათ ეს იქნებოდა მომტაცებელიო.

მეხუთე დღეს მეურმე ეშმაკი გამოუტყდა და ნაშაულში, ვინაიდან ჩვენების ჩამორთმევის დროს ვერ გამოიჩინა ხასიათის სიმტკიცე და პრაქტიკულ დაკითხვას ვეღარ გაუძლო.

მეექვსე დღეს ქ-ნმა ფხუკმა თანხმობა განაცხადა ჩვენს წინადადებაზე და დააკმაყოფილა ჯგუფის მოთხოვნები.

მეშვიდე დღე ბელზებელის სარდაფში გაატარეთ და თანხა შრომის მიხედვით, სამართლიანად გავინაწილეთ. არავინ, თვით უკანასკნელი ქინკაც უმადური არ დაგვრჩენია.

მერვე დღეს ბ-ნი ფხუკი თავისს სასახლეში დაბრუნდა, მაგრამ არავინ იცოდა როგორ და საიდან. ბელზებელმა დაიბარა ისა და უბრძანა გაცვა მტაცებლები, მაგრამ ბ-ნმა ფხუკმა ეს არ ინება, ვინაიდან მათი ვინაობა არ იცოდა.

სადამოკებით ქუჩაში სეირნობის დროს ათასჯერ მომიკრავს ყური გულუბრყვილო ეშმაკთა მუსაფისათვის.

— არა, ძმაო, იმათ თურმე (იგულისხმეთ ჩვენი ჯგუფი) უჩინმაჩინის ქედები ახურავთ და ყოვლად შეუძლებელია დაინახოს ვინმემ.

— კედელში ისე გაძვრებიან თურმე, როგორც თევზი წყალში. მათი დაქერა ყოვლად წარმოუდგელიაო.

— ტყვიებს პირით იჭერენ, და ყლაპავენო მითხრა ბებია ჩემმა; იმათი მოკვლა ყოვლად მოუხერხებელია, დასძინა მესამემ.

მე ვუვადებდი ყურს და ვიცინოდი გუნებაში.

— იცოდეთ თქვენ ნამდვილი ამბავი, ვერც არ იტყოდით მეთქი.

**ეშმაკი**



**ყმაკითყლო ღებქები**

**სოფ. სამიქაო** უმადლესი კურსები ნარდის ფაკულტეტზე ოქროს მენდლით დაამთავრეს შემდგმა ქართველებმა; მ. ბ. ჩ; ნ. ლ; ბ. ს; კ. ს; ჩ. ს. ბ.

მესამე დღეა, რაც მშვიდათ მიიძინა კ. დ. და პ. მ. მკლავებზე ნეტარ ხსენებულმა ადგილობრივმა სამკითხველომ.

ერთი მუშის (მიქაძე) ოჯახიდან ადგილობრივმა მოძღვარმა დრამის საწინდრათ ნაჯახი და ცული გამოიტანა. ბარი და წალდი თითონ მუშას წაეღო. როცა კ. დ. შეხვდა მუშას, უსაყვედურა: „ბარი და წალდი რაღათ გინდაო“. მუშამ მიუგო: გაისათ მოგართმევ დრამა ფულშიო“.

**სად. აბაშა.** აღნიშნულ სადგურზე ლამპებს მხოლოდ მატარებლის მოსვლის დროს ანთებენ. ამას სადგურის ადმინისტრაციის უთავბოლობას აწერენ ბნელაში დაყრილი მგზავრები. საქმე კი აი რაშა: ამ წინაზე სადგურის თავზე ყვავა გადაინავარდა. სადგურის უფროსს გერმანელთა ჰაერობლანი ეგონა და აკრძალა სადგურის განათება მოსალოდნელი ხიფათის თავიდან ასაცდენათ.

**სანდრა.**

**ლაილაში** სანოვავის სიძვირეა. გირვანქა ნავთი 10 მანეთი ღირს. ამის გამო სამკითხველოში 15 წუთით ანთებენ ლამპას. ეს ძლიერ უშლის ხელს „ნიხრის დამწესებელ კომისიის“ მუშაობას, ვინაიდან კომისია მხოლოდ სამკითხველოში იკრიბება ყოველ დღე და მსჯელობს.

**ზახარუმა.**

**გუდაუთი.** დიდის ამბით გადიხადეს პანაშვიდი ადგილობრივ სამკითხველოს გარდაცვალებიდან ათი წლის შესრულების გამო.

**ჯადოქარი**

**ჯიხაიში.** ჯიხაიშის ბზარში კუბოს საკეთებელ მაღაზიაზე განცხადება გაკრული: „დაიკარგა ქსენონ-აფთიაქის სარევიზიო კომისია. მპოვენელს ვთხოვთ დაუყოვნებლივ წარმოადგინოს ნაპოვნი ნივთი და ჯილდოთ მიიღებს „ბაქარაში“ მოგებული თანხის ნახევარს.“

— 28 მარტს, საზოგადოებამ ხუთი „ხეისთავის“ მაგიერ ოთხი კაცის თავი აირჩია.

**მუაუნა.**

**ქუთაისი.** თქვენმა კორესპონდენტებმა ინახულა ბრძოლის ველიდან დაბრუნებული საგუბრნიო მარშალი ოა ნ-ხეცარი საათით ესაუბრა ღვინით



ვაჭრობის შესახებ. თავადი იმ აზრისაა, რომ თუ ღვინის თავისუფალი ვაჭრობა შეზღუდეს, საქართველოს ბედი უკუღმა წავა. საქმე იმაშია, რომ ქართველ კაცს საზოგადო საქმე და დაჩაგრული თანამომხმე მხოლოდ მეთერთმეტე კიკა ღვინის შემდეგ აგონდება ხოლომე და თუ ღვინის ხმარება აკრძალეს,

ხომ დავიწყებას მიეცა ყველაფერი.

ამ მიზნით, უკვე შეთანხმებულან აღმოსავლეთ დასავლეთის თავად-აზნაურნი, რათა შეერთებულნი ძალით აღძრან შუამდგომლობა სადაც ჯერ არს.

ძალა ღვინოში და ერთობაშია.

კალმახი

ო მ ი ს ი ღ ი უ ს ტ რ ა ც ი ა



მ ო წ ყ ა ლ ე ბ ი ს დ ა ნ ი.

„ანგელოზთა აჯანყება“

კვირას, 19 აპრილს, დილის 10 საათზე, მთელი ჩემი ჯალაბობა კოხტათ ჩაცმულ-დახურული იყო. საოჯახო თათბირი ტკბილათ დავიწყეთ და მწარეთ ვათავებდით, რადგან შეთანხმება ყოველად შეუძლებელი გახდა.

განსახილველი და გადასაწყვეტი შემდეგი საკითხი იყო:

— დღეს, 19 აპრილს, ქ. თბილისში გაიმართება რამდენიმე „დილა“:

- 1) პოლიკარპეს დილა,
- 2) პელაგიას დილა,
- 3) სუსანას დილა,
- 4) წყალწითელასპირელის დილა და
- 5) დრამატულ საზოგადოების გამგეობის დილა, სადაც წაკითხავენ და შემდეგ გაარჩევენ ახალგაზრდა მგოსნის, მჭედლიშვილის, პოემას „ანგელოზთა აჯანყებას“.

რომელ „დილას“ დავესწროთ ჩვენ, მე და ჩემი ჯალაბი?

ჩემი ცოლი (საკმაო სიანჩხლით) თქვენ საცა გენებოსთ იქ მიბრძანდით, მე კი რაცა ვსთქვი, ვსთქვი: „პოლიკარპეს დილაზე“ მივდივარ, რადგან მონაწილეთა შორის გამოცხადებულია ჩემი ნიქიერი 19 წლის (თვით ჩემი ცოლი 41 წლისაა) მგოსანი „ხმელთა შუა ზღვის აბობოქრებული ქარიშხალი“ (ფსევდონიმია)!

ჩემ ცოლს ემხრობა ჩემი საშვალო ქალი, 15 წლისა.

**უფროსი ქალი** (თითქმის მოკცხვით) დედა, მე მგონია „წყალწითელასპირელის დილა“ ყველას აჯობებს (წითლდება, ალბათ, ფსევდონიმის ხართით თუ).

**უფროსი ვაჟი** (მრისხანეთ) ჩემთვის სულ ერთია, თქვენ საცაა წახვალთ! მე კი „სუსანას დილაზე“ უნდა წავიდე!

**საშვალო ვაჟი** (ლაკონიურათ) პელაგიას დილაზე მივდივარ!

მე (დიპლომატიურათ) მართალია, გამოჩენილნი მწერალნი — პოლიკარპე, პელაგია, წყალწითელასპირელი და სუსანა — ყველასთვის უცნობნი არიან



და, მაშასადამე, მათ საწინააღმდეგოს ვერაინ იტყვის რასმე, მაგრამ ესეც ხო! ცხადია, რომ ზემოჩამოთვლილნი პირნი კერძო პიროვნებებს წარმოადგენენ... დრამატიულ საზოგადოების გამგეობა კი საზოგადოებრივი დაწესებულება გახლავთ... ეს ქართულ ხეოვნების მებაირადე და წინამძღოლი დაწესებულებაა... და თუ ჩვენში არ გამკრალა სოციალური გრძნობა და სიყვარული ეროვნულ ხელოვნებისა, უნდა გადავრით ავირჩიოთ „ანგელოსთა აჯანყება“!...

**უმცროსი ქალვაჟი** (გადაქრით) ჩვენ „ანგელოსებზე“ მოვდივართ!

**მე** (განვარძობ) ესეც არ იყოს, წაიკითხეთ აფიშა და შეადარეთ დრამატ. გამგეობის დილა თქვენ მიერ მოწონებულ „დილებს“. კამათში მონაწილეობას იღებენ: ადამაშვილი, ს. დლიანი, ი. ვართაგავა, მღვ. თაღაკვაძე, დ. კასრაძე, ი. მაკავარიანი, შ. მესხიშვილი, პ. მიროიანაშვილი და სხვ...

**ჩემი ცოლი.** ფაქტიური შესწორება: ნ. თაღაკვაძე ამოშლილა!

**მე.** ეს იმას ამტკიცებს, რომ დრამ. საზოგ. გამგეობა თქვენი დილის გამმართველებსავითაბუჩათ არ იგდებს ხალხს და წინ და წინვე ატყობინებს: აქედანვე იცოდეთ, ეს და ეს პირი არ იქნებაო. ეს წინასწარ გაფრთხილება იმის მომასწავებელია, რომ დანარჩენი პირნი უთუთო იქნებიან. ასე იქცევა ყოველი პატიოსანი ორგანიზატორი და ჩვენი დრამატიული კომიტეტიც... ამისდაგვარათ. ვისაც სურს ქართულ პოეზიითა და ენამკვებობის ხელოვნებით დატკობა, უყოყმანოთ აირჩევს „ანგელოსთა აჯანყება“! ს

**საშვალო ვაჟი** (უყოყმანოთ) მე „აჯანყებაზე“ მოვდივარ!..

უმცროსი ქალვაჟი და საშვალო ვაჟი რომ გადავიბირე გამარჯვების იმედი მომეცა და მეტისმკერმეტყველობით განვავარძე ჩემი პოზიციის დაცვა.

გავშალე ჩემი ფანტაზიის ფრთები და ოსტატურად დავასურათე ზეციური ბინა ბამბის ქულის ავეჯეულობით მორთული, მზის კვარცხლებზე მჯდომარე ღმერთი და ვარსკვლავებით მოქედნილ საიოსელში გამწყობილი ნახ ნარნარი ანგელოსები.

სრული თორმეტის ნახევარი იყო, უკანასკნელი მოწინააღმდეგე, ჩემი ცოლიც, რომ მოღობა (დანარჩენები ადრე მომემხრენ) და ოჯახში კვლავ მშვიდობა და სათნოება დამყარდა.

სწორეთ 12 საათზე მისული ვიყავით და ბილეთებს ვყიდულობთ. ყურში წინდაწინვე ანგელოსთა ნარნარი ხმა და მოკამათეთა მკვერი ქუხილი გვესმოდა.

ბილეთებში 6 მანეთი დამეხარჯა (15 შაურიანზე იაფის ყიდვას ჩემა ცოლი არ დათანხმდა).

დარბაზში ავედიტ და დავსხედით.

ხომ ხედავ, როგორ პირნათლათ ა' რულებს თავის დაპირებას ჩვენი დრამატიული გამგეობა? მივუბრუნდი ცოლს.

—როგორ?

—აბა სად, არის მღვდელი თაღაკვაძე? გამოაცხადეს, აღარ იქნე აო და აკი მართლაც არ მოვიდა.

—ეგ-კი, მაგრამ სხვა მონაწილეები რომ არ ჩანან?

—ჩუ, იწყება!—გავაწყვე ზინე მე. რადგან მეშვიდე ზარი დაჰკრეს, და თვალები დავხუტე: ვიცოდი, თვით-მ ავტორი არ წაიკითხავდა თავის პოემას, ალბათ ვინმე ნახ ხიან ქალს მიანდეს მეთქი და სრული ილიუზიისათვის, მინდოდა მხოლოდ ხმა გამეგონა პოემის ანგელოსთა, ხოლო სახე თვალდახუტულათ წარმომედგინა.

უცებ რაღაც საშინელი ხმა გაისმა და კედლებმა ზანზარი დაიწყეს... შეშნებულმა, თვალები დავაკეციე და უპირველეს ყოვლისა ჩემი ჯალაბობა დავათვალიერე: მადლობა ღმერთსა! ყველანი უვნებლივ იხსდნენ. შემდეგ იქითკენ გავიხედე, საიდანაც საზარელი ხმა მოისმოდა და დავინახე, რომ ეს მსახიობი სოსო ივანიძე იყო და „ანგელოსთა აჯანყებას“ კითხულობდა.

შიშმა რომ გადამიარა, ცოტა არ იყოს მეწყინა: სად ანგელოსები და სად ივანიძე. როკელი ანგელოსი ილაპარაკებს ს. ივანიძის ხმით, რავინდ აჯანყებული და გამწყრალი იყოს?

ეს ხომ ყველამ იცის: სოსო ივანიძე რომ ავლბ. ის თეატრში სვიმონ ლიონიძეს თამაშობს, მისი ჩურჩული: ალექსა, ლევან!—ნაძალადევის თეატრის მაყურებელთ ესმით, ხოლო თუ ჩუ ულებრივი ხმით ლაპარაკობს, მცხეულები უფასოთ ისმენენ წარმოდგენას.

ივანიძის ანგელოსობა არ მომეწონა. ნამეტურ მაშინ, როცა ჩემი ცოლს გამგმირავი შემოხედდა ვიგრძენი მარჯვენა მხრიდან. შემდეგ შევატყე, რომ შვილებიც საშინელის, გამანადგურებელი თვალებით მოჩქერებოდნენ. რა თქმა უნდა, სული გავტრუნე და ქანდაკიეთ უძრავათ ვიჯექი. მარჯვენა ყური და ლოყა გამიწითლდა.

ჩემმა ცოლმა ვედარ მოითმინა და ყურში ჩამოშიშინა:

—ეს არის შენი ანგელოსი?

კარგათ ვიცოდი, რასაც მოასწავებდა ჩემი



ცოლის შიშინი და კანკალმა ამიტანა.

შემდეგ ჩემი უფროსი ვაჟი ადგა და კარები-საკენ გაემართა. მას მიჰყვა უფროსი ქალი.

— აი, ნამდვილი «აჯანყება», ვაფიქრებ შე და შიგ პირში მივატყვი ივანძეს, თითქო ვერც კი ვამჩნევდი, რაც ჩემ გარშემო ხდებოდა...

პოემის კითხვა რომ გათავდა, ჩემი ცოლი ქარხალივით წითელი იყო, უფროსი ქალ-ვაჟი არსად ჩანდნენ, ხოლო უმცროს ქალს თვალები წამოსიებოდა; მგონი, ეტირა...

საშინელ გუნებაზე ვიყავი, მაგრამ, უშველოს ღმერთმა, იოსებ გედევანიშვილს მოვკარი თვალი და გულს ჯავრი გადამეყარა. ჩემი პატივცემული დრამატურგი, და აგრეთვე დრამატიულ გამგეობის წევრი, დღევანდელ «დილის» ერთი გამართველთაგანი, პირგალიმეზული დადიოდა დარბაზში, თითქოს გვამშვიდებდა და გვეუბნებოდა: — ფიქრი ნუ გაქვთ! კითხვა ცოტათი კი მოიკოკლებდა, მაგრამ კამათი ყოველივეს გამოისყიდისო.

— ეს არის ჩემი დრამატურგი, იოსებ გედევანიშვილი — გაუბედავთ ვუთხარი ჩემ ცოლს და შეშინებული თვალები მივაპყარი.


— მერე რა აცინებს? მრისხანეთ მოვიქრა მან.

ველარაფერი ვუბასუბე...

შემდეგ, მახსოვს, როგორ დაიწყო და მაშინვე გათავდა კამათი, რადგან მ გამოცხადებულისაგან სამმა ილაპარაკა თითო ოროლა წუთი; მახსოვს ი. გედევანიშვილის დამცინავი სახე და მეტი აღარა მახსოვს რა შინ მისულამდე, რადგან ჩემ თავში ყოველივე აირია აუწერელის შიშისაგან. მე დარწმუნებული ვარ, ასეთ გრძობას ქსელში გაბმული უმწეო ბუზი განიცდის, როცა სისხლის მსმელ ობობას თავდასხმას ელის...

შინ რომ მიველით, ჩემი ცოლი ხელით შემეხო ორჯერ, ხოლო შვილები ყვირილითა და მუქარით გაიფანტნენ სახლიდან. დღეს სწორეთ ერთი კვირა შესრულდა «ანგელოსთა იჯანყების» შემდეგ ჩემი ოჯახის აჯანყებას ჯერაც არ უჩანს ბოლო...

თავუნა.



# ლია ჟერილი \*)

ბ-ნ ჰაიდარბეგ აბაშიძეს!

ფრიად გვესიამოვნა თქვენი წერილი ეს წაკითხვა, ბატონ გაიოზ იოსების-ძე იმედაშვილის მართ მიწერილისა. ჩვენი საზოგადო მოღვაწენი ძლიერ ხშირათ ურევენ ერთმანეთში ისეთ ცნებებს, როგორცაჲსაც თქვენ წააწყდით ბ-ნ გაიოზის წერილში. რათქმა უნდა ავტორი წერილისა არ არის დამნაშავე, არც მამა მისს ეკითხება ასეთი წვრილმანები, მაგრამ პატივცემული რედაქცია „სახალხო ფურცელისა“ დიდათ მაღლობელი დაგრჩებათ ასეთი გულწრფელი და საკირო განმარტებისა გამო. სწორეთ ამ მოსაზრებით გადმოებქდა თქვენი პატივცემული წერილი ვაზ. „სამშობლო“-დან.

ამასთანავე აღენიშნავთ, რომ თქვენმა წერილმა ჩვენ სავაებით ვერ დაგვაკაყოფილა. ის ცალმხრივია და ბ-ნ გაიოზ იოსების-ძე იმედაშვილის წერილს არკვევს მხოლოდ ეტნოგრაფიულის მხრით. ჩვენ კი გვეგონა თქვენ მას ყოველმხრივად განიხილავდით.

იმავე „სახალხო ფურცელში“ ჩვენ ვკითხულობთ სხვა შემომწირველ ბავშვთა სახელებსაც, აი მაგალითად. — პატარა გოგი. ვინ არის ეგ პატარა გოგი? ნუთუ იმას მამა არა ჰყოლია და გვარიც არა აქვს? მაშ რატომ ასე ყრუთ გასწირა მან აქარელთათვის თავისი წვლილი? მართალია ქრისტეს მოძღვრებაში ნათლად არის ნათქვამი: — **მარცხენამან თქვენმან არა იცოდეს, რასა იქმს მარჯვენი თქვენიო**“ მაგრამ ეს ალბათ ქურდობას შეეხება და არა ქველმოქმედებას. ამიტომაც **პატარა გოგის** საქციელში უეჭველია, აქ რაღაცა იმალება, რომელსაც გარკვევა სჭირია. და მე მგონია თქვენთვის ეს საძნელო არ იყო.

ეშმაკი.

\*) სხვა და სხვა მიზეზების გამო ამ წერილის დაბეჭდვა დაღვიანდა.

# მ ა რ ა ლ ა

ერთხელ ერთს თავადიშვილსა, დიდი დავითის ძის ძესა, ბანკიდან მამულ-დედულის გირაოს ფული მისცესა.

ათასი იყო, თუმანი, თუ ორჯერ მეტი მგონია, ... (როგორაც ხედავთ ჩვენ კნიაზს დიდი მამული ჰქონია!)



წაილო ესე ქანქარი  
 დიდი დავითის ძის ძემა  
 და სიტკბო წუთისოფლოური  
 თითქმის უკლებლივ იგემა.  
 მაგრამ როდესაც დრო დადგა  
 და მას მოსთხოვეს ვალები  
 ჩვენმა თავადმა უაზროთ  
 დასპყიტა ორთავ თვალები.  
 მან იგი ათასეული,  
 ბანკიდან წამონაღები  
 დასთესა, სადაც ჰყვავიან  
 „ედემის“ ტურფა ბაღები.  
 და გაუყიდა მამული  
 მას ბანკმა ჩალის ფასადა...  
 დარჩა ბატონი თავადი  
 შიშველი, თითის მსგავსადა.  
 მოდიტ და ვნახოთ ის სიტყვა,  
 (სახელი ზედშესრულია)  
 რომ ყოფა იმა თავადის  
 გამოგვიხატოს სრულია.  
 ამა სახელსა მრავალი  
 ქართველი კაცი ატარებს  
 და იგი ტურფა წოდება  
 მათ პროლეტარსა ადარებს.  
 უმეტეს წილად აზნაურთ  
 უხმობენ სიტყვას ამასა,  
 თავისი მამულ-დედულის  
 რო მორჩებიან ქამასა.

ორი მარკვლისგან შესდგება  
 და ხუთი ანბანისაგან -  
 ბევრი მინახავს კაჟკაცი  
 განაბრაზები მისაგან.  
 მეორესა და მესამე  
 ანბანთ რომ არე ჰქონია,  
 იქ უნდა ჩავსვათ უთუოდ  
 ერთი ქორონიკონია.  
 ორმოცდა ათსა ედრება  
 ნიშანი იგი ქართული...  
 ადვილათ ნახავთ, სხვა ფიქრში  
 თუ არ ბრძანდებით გართული.

ლამის ფრინველად იცნობენ  
 ახლა რომ სირი გვექირია  
 ბავშვობის დროზე ფულურად  
 მრავალი დამიჭირია,  
 კისერი თითქმის არ უჩანს,  
 თვალი აქვს ჯამის სიფართე  
 რა საჭიროა არ ვიცი  
 ლექციას გრძელს რომ მივმართე.  
 ვინაა ის არ ენახოს,  
 დღითი ბრმა, ღამით მკვრეტელი  
 სასახლედ ხისა ფულუროს  
 გამომწყობ, გამომკვეთელი.  
 გვექირია მისი სახელი  
 მოკლე და ტურფა ხმოვანი

(მას საუცხოვოდ ამბობენ  
 ჩვილნი და მცირე წლოვანი).  
 თუ გახსოვთ, **ქვაბი** ვახსენეთ  
 მესაე შარაღაშია,  
 (ვიხმარეთ ნაკვთი მეორე  
 როცა გავქურით შვაშია)  
 აწ ნაკვთი გვინდა პირველი  
 იმავე მოკლე სიტყვისა,  
 და ვთხოვ ვაჰკვეთონ,  
 ამაზე ვარსნულარაგინ იტყვისა.

დასასრულ ტურფა ყვავილი  
 და გაზაფხულის შეგნება,  
 ვინ არის კაცი ქართველი  
 ის რო არ მოგხსენება?

მიაწყვეთ ერთი მეორეს  
 მასალა დანამზადები  
 და გაიხარებს ყოველთა  
 მხარეთა არამზადები.  
 ვინც დამარცხდება ამ ომში  
 და დაეცემა ძლეული  
 მას დააწვება თავზედა  
 ჩვენი შარაღაც, წყეული.  
 და რაც ამ ომში შერჩება  
 იგი წაართმევს ყველასა,  
 ვერსაით ველარ მიიღებს  
 დახმარებას და შეველასა.

კოლო




# ეწხსენება

## გახეთიდან

ქაჯთ-სამფლობელოში ძლიერო სარდალო,  
 ბატონო ეშმაკო, ბოქაულთ ბადალო!  
 ჩვენც გამოგვეცხადა მობილიზაცია...  
 სიხარულს მიეცა ქალი, თუ კაცია,  
 მოგიძღვნით ყველანი გულითად სალამსა  
 და მტერთან საომრად ვიმარჯვებთ კალამსა.  
 მუნ მრავალ არიან ავსულნი, მძარცველნი,  
 უცხოთგან მოსულნი, თუ მკვიდრნი კახელნი...  
 ამ მხარეს—გავაზსა (ძველსა და ახალსა)  
 გარს ალყა არტყია, ცათამდე მართალსა.  
 ვინაა ქომაგი საწყალი ხალხისა  
 ქვრივთა და მოხუცთა, ობოლი ბაღლისა  
 მაგრამა, ეშმაკი თითონაც ბრალშია, -  
 ქელეხებს რომ მართავს, ვარდება ვალშია




# აზოვსაველითი ასკარეზი



ბაზი, რომელზედაც იბრძვის რუსეთისა და ავსტრო-გერმანიის ჯარი.



# დასავლეთი ბრძოლის ასკარები



შტრიხით აღნიშნულია ის ხაზი, რომელზედაც იბრძვის გერმანიისა და ინგლის —საფრანგეთის ჯარი.

## განცხადება

გაილო ახალი აფთიაქი პროვიზორი ა. ს. ახვლედიანისა სამხედრო ქუჩის და გილოვიანის პროსპექტის კუთხეში, ტელეგრაფის პირდაპირ.



ხუცესნიც ურჩევნ:—ეს კარგი წესია,  
რომ ხალხი გავაძლოთ და ღვედე-ეკლესია;  
სხვა დროსა თუმც გლეხი მშიერ-შიშველია...  
სარგებლით ვალს იღებს, მზათა ყავს „ელია“;  
მთელს სარჩოს მას აძლევს  
სულ გამოვლია.  
არ იკლებს „მიხაკაც“ —  
ცბიერი ველია!

სოფლათ მიიწვიეს კეთილის მყოფელი  
სწავლული ექიმი—(დალაქთა მგმოზბელი),  
გაჯავრდა ამაზე აქიმთა ამქარი,  
რამეთუ მოაკლდათ გლეხების ქანქარი.  
ამდენმა აქიმმა სოფელი წაწყმინდა...  
ხალხი და ქონება — ორივე გასწმინდა.  
პირველი ადგილი უქირავს „სანდროსა“...  
ავათმყოფს „აძინებს“, (აჩვენოთ რა დროსა)  
ყელისა ეხერხება მას „ოპერაცია“,  
ჯიბის ხირურგათაც ვარგისი კაცია.  
მაღამოს კარგს შვრება „ღუღანათ ანიკა“;  
მას გაეჯიბრება ამაოთ „მარიკა“.  
„ზარდიანთ თელსა“ გამოუგონია  
ქარების წამალი, ხახვი და ქონია!  
ერთხელ ვინც იგემებს,  
მეორეთ არ უნდა,  
თუ პირველ მიღებით  
სული არ გაგუდა.

მზგავსი აქიმები სხვაც კიდევ ბევრია,  
ამიტომ [დოხტურის] ვილასა სჯერია?  
ტყვილა მოიწვიეს და ხარჯი გაიღეს,  
[სპეციალისტების] ცოდვა იღეს!...  
ამ ჟამათ ვათავებ ჩემ ეპისტოლესა,  
დროს ვაძლევ მორჯულდეს რეგენი და ქლესა...

აჩრდილი.

## ფოთიდან

### უმუშევარის სიზმარი

ამ ომის შემდეგ უმუშევარი,  
ლუკმა პურისთვის ბედის მღვეარი  
დავწობი თვარა, ვით ძველი ცოდვა,  
თავს დამტრიალებს სიზმარი-ბოდვა.  
ერთი მათგანი ამ ბოლოს ვნახე,  
რომლისთანავე მე განვიზარახე  
მოვძებნო ამხსნელ მზაკვართა ბინა  
(იგი მასწავლეს ჯოჯოხეთს შინა)  
დიღმა ეშმაკმა თუ არ სთქვა ვარი  
და ჯოჯოხეთის გამილო კარი,

რომ მოვასხნო სიზმარი ცხადათ,  
ოც წუთს მოვიტხოვ საუბრის ვადათ.

ვიყავ სიზმართა სამფლობელოში  
„დიდი კუნძულის“ წვანე მდელიში,  
სად ფაზის ირთავს პონტო მდელივარე,  
სადაც კოშკი დგას ლამით ელვარე,  
მეზღვართ გზისა სანიშნებელი  
ჯერ მეკობრეთა ხელ-უხლებელი.

მაისი იყო ვითომ პირველი,  
დღესასწაულის ვინმე მწირველი  
ნახსენებ კოშკზე გადმომდგარიყო,  
კუნძულზე ხალხის ტევა არ იყო,  
უმრავლესობა ძველი მუშები  
ომისგან არტელ დანაფუშები.

მწირველი იგი მხნედ ქადაგობდა,  
თან ომის ამბავს ხალხს მოუთხრობდა,  
აღნუხსა ქვეყნის მსხვერპლი, ზვარაკი  
განსაკუთრებით მუშათ ბანაკი  
დაასურათა. ტრალელიაში,  
(თუმცალა შტრებიც მოყვენ სიაში)

ახსნა მიზეზი მილიტარიზმის,  
დაგმო წესები კაპიტალიზმის,  
მოწამებრივი თავი დახარა  
და დასასრული ომის გვახარა;  
„ჩვენ სასარგებლოთ შეპკრეს ზავიო  
მხნედ თუ მეყოლა თქვენი თავიო“.

ამის მსმენელი მღველვარე ხალხი  
კუქით მშიერი და გრძნობათ თაღხი  
მომავლის სხივმა აღაფრთოვანა,  
მძლავრის გუგუნით აღახმოვანა,  
დაიგრიალეს ერთხმით: „ურაო“  
ჩვენ მუშაობა მოგვეწყურაო  
აწე კურტანით დავსკლით გემებსო  
ჩვენი ცოლ-შვილიც პურს იგემებსო.“

ჩვეულებრივი გამართეს კრება  
(ვაი თუ ცხადათ მომენატრება?)  
ამოირჩიეს კომისიები,  
რომ შეედგინათ იმათ სიები  
არტელ-ცეხების აღსადგინათა  
(თუმც ზოგს დიურჩა ეგ საწყენათა),  
რადკან არტელი მათი ეგონათ  
და საშვალეობაც ბევრი ელონათ



რომ გამხდარიყვენ იჯარადრაათა  
წარმოედგინათ მუშები მკედრაათა.

დანიშნეს კიდევ გამოძიება,  
(ზოგს კი შეუდგა ცხელებ-ცაება)  
ანგარიშები რომ იყოს წმინდა  
გამოძიება შორიდან გვინდა  
ამ ფინანსების კომისიაში,  
რადგან მეც მოვხდი ერთად სიაში  
«მოწინავებმა» თუ როგორ სწირეს  
ქე მოგახსენებთ მომავალ კვირეს.

უმუშევარი.

### კარსანიდან

უნდა მოვნახო, ქამანჩა,  
და გუდას მოკვიდო ხელი,  
თუმცა დრო ცუდი დაგვიდგა,  
მოვიგონო ისევ ძველი.  
გაუდგე დიდმის მინდორსა,  
გავიარო კარსნის ველი,  
კარსანში უნდა მოვნახო,  
გურგენიძე მასპინძელი.


ერთხელ ისიც ბრძანდებოდა,  
გლებს, მუშების ერთგული,  
და ძუღამ პირზე ეკერა  
ერთობა და სიყვარული.  
მაგრამ ახლა, წინაღმდეგობს,  
რაკი შეიძინა ფული,  
წმინდა ალახმა დასწყევლოს,  
ამნაირი კაცის რჯული.

გლები კაცი აღარ მოსწონა,  
ბატონობა სჯობიაო,  
შავი მუშა და გლებ-კაცი,  
ყველა დასახრჩობიაო.  
ერთი სიტყვით, იმის საქმე,  
გრძელი მოსათხრობიაო,  
იმნაირი ფაჟბატონი,  
სწორეთ დასაგმობიაო.

ეს დიმიტრი გურგენიძე,  
კარსანში მცხოვრებელია,  
სამსახურის კაცი ვახლავთ,  
დიდ საქმეების მცველია.  
მშიერი დაჩანჩალობდა  
ეხლა კი მბრძანებელია,  
ბრძანებას ვინდა დაეძებს,  
რომ არ უსწრობდეს ხელია.

ალარავინ გადაურჩა,  
მუშები უცემელია,  
აისორი, თუ სომენი,  
მეურმე დილომელია,  
სულუცველას მოხვდა იმისი  
წარჩინებული ხელია,  
სიტყვა-პასუხი იმისი  
აბა აქ რა სათქმელია.

ფუკუშიმა.



\*\*

ცხრაჯერ ვიყავი შენ სახლში,  
ცხრაჯერვე ვერა გნახევი,  
ვეძებე, ვერსად ვიპოვე,  
პაწა ქალაღის ნახევი, —  
რომ გამელანძღე რიგთან  
ჩემი გარჯისთვის ცხრაჯერა...  
ოჰ, როგორ მიძგერს ეს გული,  
ვერ იქნა ვერა ცხრა ჯერა.

შე დალოცვილო, ქართველო,  
ასე რამ გამოგაფიტა?  
სახლში ქალაღი არა გაქვს,  
ღვინოს მიირთმევ ჩაფითა?!  
აი მთლად შენი ავეჯი:  
ლოგინი, სკამი სამ ფეხა...  
(სარკე არა გაქვს, შარშან წინ  
შენ შევილის შევილმა გასტეხა!)  
ვერსად ვერ ვხედავ სავარცხელს,  
თმა დაგცვივია დარდითა!..  
ის რაღა არის კუთხეში?  
გულს ირთობ ქაღრაკ-ნარდითა?  
გაერთე, ძმაო, გაერთე,  
თუ შეგხვდეს, ყანწიც დასცალე  
და დღენი შენი სიცოცხლის  
კრიალოსანზე დასთვლე!

ბეგლარა





# გ ა ე ო ც ა ნ ე ბ ი

## „უტუ-გრადი“

ახალ გაზრდობს, ყმაწვილ კაცობს,  
 თუმც ნიერი, აყლაყულა,  
 ხალხში კიდევ დაკისკასობს  
 აგი ბოროტების გულა,  
 მრუშობაში ნაქებარი  
 დონჭუანი და გულ ცულა,  
 მსხვერპლი ბლომით შეიწირა  
 (ერთი ზღვაშიც ჩააყულა!)  
 დაღის, ვითომც არაფერი,  
 ახალ მსხვერპლებს უთვალთკალებს,  
 ძარა, აწე თუ ემძაკი  
 მის გარშემო ნახავს ქალებს,  
 მათრახს იხმარს აფხაზურად  
 არავის არ შეიბრალებს,  
 თან ამ საქმის ყურის გდებას  
 ჯოჯოხეთი ძე ძავალებს.

მგლოვიარე.

2

(სოფ. აბაშისათვის)

ახლა აქ, ძველათ კახეთში  
 შეფობდა იგი, აქ არა.  
 უყვარს ქანქარი საჯიბე,  
 „პრაფერანსი“ და „ბაქარა“.

ბოქაულს ტყავი გააძრო,  
 ლამის „პაგონი“ აჰყარა.  
 სოფლის „ბანკი“ და „კრედიტი“  
 იმისი შტატი გამხდარა.  
 თუ ვეღარ გამოგიცვნი  
 სჩანს თქვენი საქმე წამხდარა.

რისხვა.

3

(მცხეთელებისათვის)

ნიქით, მალალი,  
 ქცევით, დაბალი,  
 ოჯახში უყვარს, აყალ-მაყალი.  
 გარეთ კი, წყნარი,  
 ტკბილ, მოუბარი,  
 სახელს არ გეტყვით, არც ვიცი გვარი.  
 მცხეთელთ, ძმობილი,  
 კეთილ შობილი,  
 და ცხოვრებითაც, სრულ კმაყოფილი.  
 თავი აქვს მთელი,  
 თვითვე მცხეთელი,  
 კი არ გეგონოთ, ვიპე წყნეთელი.  
 არის ქქართველი,  
 და „უყვარს“ ერი,  
 კარგია მოხვდეს, მათრახის წვერი.  
 მუდამ შინ არის,  
 (თავისთვის, არის)  
 გამოიცანით, აბა ვინ არის?

ფუკუშიმა.

ო მ ი ს ი ლ ი უ ს ტ რ ა ც ი ა



ტყვის მფრქვეველნი.



# აკაკის მოგონება

I

ნიქიერი ბავშვი ვიყავი და აკაკისა და საერთოდ ქართულ მწერლობის სიყვარული აკენიდანვე დამჩემდა. ენა რომ ამოვიდგი, პირველი ჩემი სიტყვა „აკაკი“ იყო. კაკილას რომ მაჩვენებდნენ, მაშინვე ნიქიერად ქცობოდა და ვიწყებდი: აკაკი, კაკი, კაკო, მაშნ მშობლებმაც, ასეთი ნიქი რომ შემატყის, სახელათ ბაკაკი დამარქვეს. კითხვა რომ ვისწავლე, სულ აკაკის ლექსებს ვიზებირებდი და წყალივით ვიკოდი— „მოდო ვნახოთ ვინახი“, „მახსოვს პირველად“, „ბიჭო, ვისი ხარ მალხაზი“ და სხვა. მამა ჩემმა რომ გიმნაზიაში ჩემი მიბარება დააპირა, გადაქრით გამოვლცხადე ისეთს ოჯახში ავიჩინა ჩემთვის ბინა, სადაც აკაკი დაბრძანდებოდა. მამა ყაბულს იყო. ჩვენის ნათესავის სოსიკო მერკვილადისგან გვქონდა გაგონილი, რომ იგი აკაკის საუკეთესო მეგობარია და ჩვენც იმას მოვაშურეთ, მაგრამ გავეწყრა ღმერთი, სოსიკოს ვერ მოვურიგდით: დიდებულ მგოსანის „მესაიდუმლოემ“ თვეში ასი მანეთი მოგვთხოვა და თითოეული ნახვა აკაკისა ოცდახუთ მანეთად დაფასა: მამა ჩემი ხელომოკლე და წვრილფეხა აზნაური გახლდათ, ასეთი ხარჯი მას გააკოტრებდა და გულ-დაწყვიტვლებმა დაფუტვევთ „აკაკის მეგობრის“ ბინა.

თფილისში ბევრი ვირბინეთ, სულ ამათ კი: საჩვენო ბინა ვერ აღმოვაჩინეთ—ან ჩვენით გაცვთებას ფიქრობდნენ, ან ისეთი იყო, სადაც აკაკი არ დაბრძანდებოდა. „ჩვენი ახალგაზდა ნიქიერი მწერალი“ ივ. ელიაშვილი იმ ჟამად თფილისში არ ბრძანდებოდა, თორემ მასთან დაბინავებას რაღა აჯობებდა: სულ აკაკისთან ვიქნებოდი, მასთან ბასი არ მომაკლდებოდა და გარდაცვალების შემდეგაც ივ. ელიაშვილთან ერთად მთაწმინდაზე ვივლიდი და დიდებულ მგოსანთან კვლავ განვაგრძობდი ბასს!.. ვჰ!..

ავიკარით გულა-ნაბადი და ქუთაისის მოვაშურეთ, მაგრამ დახეთ ჩვენს უბედობას: ყველა ბინა, ყველა ოჯახი, სადაც აკაკი ხშირი სტუმარი ბრძანდებოდა, გიმნაზიისა, სემინარიისა თუ რეალურ სასწავლებლის შეგირდებით იყო გაქიკნილი. ვისთან არ ვიყავით: ნიკოლაძის ქალებთან, სერგო ბახტაძესთან, თავ. ბეჟან წერეთლისას—სულ უარი და უარი. ყველაზე ჩემი ტოლა ნიქიერი ყმაწვილები გამავრებულიყვნენ და მათი მონადირება ქრთამითაც ვერ მოკახერხეთ, მამა ჩემს „ატსტუბნოი“ არ ენანებოდა.

ჩვენც იმიტომ ავირჩიეთ ასეთი ბინაო, გამოგვიცხადეს ვადაქრით, რომ აკაკის გარდაცვალების შემდეგ მოგონებანი ვსწეროთო...

მეტი ჩარა არ იყო დიდის ვი ვაგლახით ვიშოვეთ ბინა ერთს ხარაზთან ლოშბიტლის ქუჩაში და იქ მოვიკალათე. ეს ადგილი იმიტომ ავირჩიეთ, რომ ამ ქუჩით აკაკი ნიკოლაძის ქალებთან და თავ. ბეჟან წერეთლისას დაბრძანდებოდა და გარდა ამისა, როგორც სარწმუნო პირთაგან გავივრთ, ნიკოლაძეების მზარეული წულა-მესტს ჩემს ხარაზს ავირჩინებდა. კარგი ბიჭი იყო ეს მზარეული-ანთიმოზა ბუცხრიკიძე; ისიც ნიქიერი იყო, თუმცა „ყარამანიანის“ გარეთად არაფერი სწამდა. მალე დავუშვებოვბრდი და მაცნობა, დღეს აკაკი საჩხერეს მიბრძანდებო. გულმა ცემა დამიწყო, მუხლებმა კანკალი, სისხლი საჩქაროდ თავში აიქრა და ენაც ღვთისგან მიჩნეულ ადგილიდან ვადმომივარდა. დანიშნულ დროზე, სამგზავროდ გამოწყობილი, ხეთერელის წიგნის მალაზიასთან ვიდექ და დიდებულ მგოსანს ველოდი. ოო, ტკბილია ლოდინი, როცა იცი, რომ, აი, თვალ-წინ წარმოგიდგება ის, რომელიც... ის, ვისთვისაც... ერთის სიტყვით, აკაკი.

აი, გამოჩნდა კიდევ. ჩვეულებრივ ფეხით მოდიოდა, ნელის ნაბიჯით (ეტლში ხომ ვერ ჩასვამდით, რა გინდ ხვეწნოდით). უკან მოსდევდნენ „მეგობრები“ რომელთაც დიდებული მგოსანი ტკბილათ ექიკვიკებოდა და ექლურტულებოდა. ბევრი ვეცადე, მაგრამ აკაკის თვალში ვერ შევეჩხირე. ხშირად თითქმის ვეწიე მიზანს, მაგრამ ისეთი მუჯულუგუნი მითავაზეს, რომ კინაღამ კისერი არ მომტებეს.

ვაგზალში რომ მივედი, აკაკიმ ჯერ ბილეთი იყიდა, კარგად მახსოვს, მეორე კლასისა, ფულიც მისცა, ესეც კარგად მახსოვს, ხუთ მანეთიანი ოქრო, და ხურდაც აიღო, მერე მიტროფანე ლაღიძის ლიმონადი მიირთვა, მერე კარგახანს ბოლთას სცემდა და რაღასაც ღლინებდა მომხიბლავის ხმით. ნეტავი ბოლთა მე ვიყო და მე მცემდეს იმ ღვთიურ ხელებით მეთქი, ნიქიერად გავიფიქრე, მაგრამ რას გავაწყობდი... იმდენი ხერხი კი ვიხმარე, რომ სწორედ იმ ვაგონში დავიკავე ადგილი, სადაც აკაკი ბრძანდებოდა. აქაც „მეგობრები“ გარს ეხვეოდნენ... მეც ნელ-ნელა მიუწოხრდი, გავებლახუნე, წინ ავეტუზე და... ბოლოს მადლიან ხელზე კოცნაც დავუბირე, მაგრამ ვერ გავბედე. აკაკიმ შეამჩნია, თავზე ხელი დამისვა, ღვთიური სახე მთვაზისაკენ იბრუ-



ნა (ასეთი ჩვეულება ჰქონდა დღისითაც და ტკბილის ხმით მითხრა:— გეტყობა ნიქიერი ყმაწვილი უნდა იყო და რო გაიზრდები უთუოდ ჩემს მოგონებას დასწერ;— ამიტომ ბარემ ეხლავე მრგვლემ მასალასაო, და გამიბა მომჯადოებელი საუბარი:— ბარათაშვილი დიდი მწერალი იყო, აგრეთვე ყაზბეგცაო, ხოლო ერთი პოეზიაში, მეორე კი პროზაშიო. განდგეილი თუმცა ნიქიერია, მაგრამ არაგვისპირელიც ნიქიერიაო. არაგვისპირელის მოთხრობას რო წაიკითხავ, იფიქრებ თვით ღმერთის დაწერილიაო (მხოლოდ მაშინ გავიგე, რო თურმე ღმერთებიც მწერლობენ). ნინოშვილს ნიქი ჰქონდაო, მაგრამ ადრე მოკვდაო, კლდიაშვილი კი დიდი ნიქის პატრონიაო, მაგრამ ღვთის მადლით ეხლაც ცოცხლობსო. ევლოშვილი ტემპერამენტით სავსეა, მაგრამ გრძობა არა აქვსო.

ეს რო მიბრძანა, არ დავეთანხმე, წელში გავსწორდი და ევლოშვილის ლექსები წავეუკითხე, მაშინ კი ღვთიური სახე გაუწითლდა და წყნარი ხმით მითხრა:— შემდლარი ვარ და მეპატიება. მე მოვხუცდი, ქუა-გონება აღარ მიჭრის, შენოდნობა საღ შემძილია, ძალა და მომავალი ჩვენი სულ შენისთანა გიმნაზიფლებშიაო. ჩვენი ინტელიგენცია ფუქსავატია, რადგან იგი ზნეობით ბანკებმა დასცესო, ხოლო ვანო მაჩაბლის სიკვდილი საიდუმლოებით არის მოცულიო, მე ყველაფერი ვიცი, მაგრამ სიცოცხლეში ვერ მითქვამს, არავინ გამიგონოსო, და რო მოვკვდები, მთაწმინდაზე ივ. ელიაშვილს ვეტყვიო და შენც იქ ამოდიო...

ამ მომხიბვლელ საუბარში ვიყავით, შორაპანს რო მივედით. იქ ქიათურის მატარებელში გადავსხედით, მაგრამ ადგილიდან ჩვენს დაძვრას არაფერი ეშველა. გამოვედი და გავიგე: ჩვენის მატარებლისათვის მეორეც მოებათ, მათგან თურმე ყველამ, ვინც ობილისისა და ბაქოსაკენ მიემგზავრებოდა, განურჩევლად ეროვნებისა, სარწმუნოებისა, სქესისა და ჰასაკისა, აკაკი რო ნახა, გადაწყვიტა მარშრუტი შეეცვალა და საჩხერემდე წამოგვეყოლოდა...

სამი დაუფიწყარი თვე გავატარე აკაკისთან, მასთან ვიყავი განუშორებელიც და სულ მუსაფში მყავდა გაბმული დიდებული მოხუცი ყოველ დღე. ზაფხულის მიწურულში შევამჩნიე, რო ხშირად ცდილობდა განმარტოებულიყო, გულის ფრიალიც დასჩემდა, ნერვებიც მოეშალა, მაღაც დაეკარგა და ძილიც, მაგრამ დრო აღარა მქონდა, რომ ტკბილის მუსაფით შემემსუბუქებინა მისთვის ავადობა:

გიმნაზიაში უნდა დავბრუნებულიყავ. წამოვედი და თან წამოვიღე დღიურის ახალი ოც-და-შვიდი რვეული...

სტუდენტობა ისე გავატარე; რომ აკაკისთან ხანგრძლივი საუბარი არა მქონია. ზაფხულობით თუმცა მოვიდიოდი ხოლმე რუსეთიდან და სულ კვალ და-კვალ დავსდევდი, ქალაქიდან ქალაქში, სოფლიდან სოფელში, მაგრამ სხვა მრავალი „მეგობარი“ გარს ეხვია და ხელს მიშლიდა განსაკუთრებით კი ის წყეული სოსიკო, —სულ არ შორდებოდა, დღე-და-ღამ მასთან იყო ატუზული. მაინც მოვახერხე და რამდენჯერმე შევხვდი, შევეფეთე, ის იყო ხელიც გაუწოდე ჩამოსართმევად, მაგრამ, ჰოი. საკვირველებავ, გარეშეს რო დავენახეთ, იფიქრებდა, თითქო აკაკიმ თვალი მომარბიდა, — მე კი, მადლობა ღმერთს, კარგათ ვიცი, რო მას ასეთი ჩვეულება ჰქონდა: ყოველთვის განზე იცქირებოდა ან და ზეცას აღაპყრობდა თვალეებს.

სასტუმროში რო მივიდოდი, მეუბნებოდენ — შინ არ არისო, „მხოლოდ ერთხელ, ისიც ძილში“, ე. ი. აკაკის ძილში, როცა სასტუმროს მსახური საღდაც წასულიყო, შევიპარე ფეხ-აკრფით დიდებულ მგონის ნომერში, მძინარს თავს დავადექი, მის ღვთიურ მხარს ოდნავ ხელი შევახე და ნახად წაჭურჩულე:

— რა აზრის ხართ რუსთაველის შესახებ?

გველ-ნაკებნივით წამოვარდა, შემომხედა, მიცნო, შემფოთდა და ძლივს წარმოსთქვა (ძლიერ სუსტათ იყო იმ ეამად):

— რუსთაველი... დიად, რუსთაველიც ნიქიერი იყო... მხოლოდ პოეზიაში... დიად, პოეზიაში

— საზაფხულოდ სხვიტორს აპირებთ წაბრძანებას?

— ოჰ, არა, არა, ღმერთმა დამიფაროს, საღმე სხვაგან, თუნდ ჩინეთს, არაბისტანს, თუნდ იალბუზის წვერზედ, იქ კი ნუ, ნუ — და წასასვლელად მოემზადა.

— უკაცრავად, როგორ უცქერით საქართველოს? შევაჩერე მე.

— საქართველოს ხსნა და მომავალი შენისთანა სტუდენტებშიაო, — სთქვა და, მოჩვენება, გაჰქრა ნომრიდან. მაშინვე შინ მივიქერ და ერთი რვეული კიდევ მივუმატე ჩემს დღიურს.

მესამედ რო შევხვდი აკაკის, უკვე ექიმი ვიყავი. მიხეილის პროსპექტზედ ვიდექე და მუშტაილისაკენ მიმავალ ტრამვაის ვაგონს ველოდი. ერთიცნა-



ხოთ, აკაკი მიახლოვდება სული გაეტვრინე, გულ-  
მა ისევ ცემას მიჰყო ხელი, მუხლებმა კიდევ კან-  
კალს, ენაც კვლავინდებურად გადმომივარდა. მო-  
მიახლოვდა დიდებული მოხუცი და გვერდით გამი-  
ჩერდა. სულ მარტო იყო. აი, ეხლა გაქვს დრო  
მეთქი, ჩემს თავს ვეუბნები, თუ ჩაივლე ხელში, ახ-  
ლა ჩაივლე და ამდენის ხნის წამარხულეგმა ეხლა  
იჯერე გული მეთქი და მოეცე ხადე. სანამ მე სულს  
მოვიბრუნებდი და საკმაო ნერწყვს ჩაეყლაპავდი,  
ვაგონიც მოგვიხლოვდა. ის იყო დავიწყე—, რა  
აზრისა ხარ, აკაკიმ ღვთიური სახე ჩემსკენ მოიბ-  
რუნა, დამაცქერდა, მიცნო და მოულოდნელის  
სიკვირცხლით ვაგონს მიაშურა, მაგრამ კიბეს ფეხი  
წაჰკრა და ძლიერაც იტკინა... ცოდვა გატეხილი  
სჯობია, როგორც ექიმს და აკაკის თაყვანის მცე-  
მელს გამიხარდა კიდევ... მყისვე იქ გავჩნდი, ხელი  
მოგვიღვე, კიბეზე ავიყვანე და ის იყო უნდა გამემა  
მომჯადოებელი საუბარი, სად იყო და სად არა,  
დასწყევლოს ღმერთმა, აკი სოსიკო მერკვილადე  
გაჩნდა, მჰკრა ხელი და მიწაზე ზღართანი მოვადი-  
ნე. რო ვდგებოდი, აკაკის ტკბილი ხმა ჩამესმა ყურ-  
ში, ვაგონიდან მიძახოდა:


— კვლავაც აგრე, კვლავაც აგრეო (ე. ი. მისწ-  
რება ყოფილხარ ვასაჭირშიო), ყველა ნიჭიერია,  
გენიოსია, საქართველოს ხსნა და მომავალი შენის-  
თანა ექიმებშიაო...

შინ რო მიველ, ერთი რვეული კიდევ გავავსე.  
სულ 45 რვეული მაქვს, მეტი ვერ მოვასწარი, მა-  
ლე გამოვაქვეყნებ „წინა სიტყვაობით, ავტორის  
სურათით და ბიოგრაფიით“.

**ბაკაკია წვერებთხელი**

ესე ზღაპარი რევენის, ოცნებით შეხვეებული,  
ვითა მორიგი მასალა „თემისთვის“ განმზადებული,  
ვპოვე და პროზად დავტოვე...

პარძანი, 7



**ფ ო ს ტ ა**

ოხერი მოქეივე }  
ქროლს } არ დაიბეჭდება.  
ჭაუნელ ბზიკს }  
ჭლიკ-ჭლიკოს }

**შხანკოლას.** იმავე საგანზე უფრო ნიჭიერათ.  
დაწერილი ლექსი მოგვივიდა. არ დაიბეჭდება.

**ლაბას.** „პირველ ვეწვევი კალისტოს,  
სალამსა მიეცემ მასაო,  
ცემა-ტყევისთენ მივართმევ  
მენდალსა ჯორის ნაღსაო.“

გვითხვებ თუ ასე ჩძარ-ჩძარა.  
რათა სცემს თავის ცოლსაო  
ბრაზი როდესაც მოუფლ-ს  
პირიდანა ჰყრის ცოფსაო“.

უნდა მოგახსენოთ, რომ ჩვენ არ ვეკუთვნივთ  
კერძო საკუთრების უარის მყოფელთა რიცხვს. ცო-  
ლი ქმარს ეკუთვნის და მაშასადამე მათ შინაურ  
განწობილებაში ჩარევა პრცის საქმე არ არის.

ესეც არ იყოს თქვენი აზრი ჩვენთვის ცოტა  
გაურკვეველი გამოდგა. თქვენ უმტყუნებთ კალისტოს  
**ჩქარ-ჩქარა** ცემას ცოლისას, ხოლო **ნელ-ნელა**  
აღბათ თქვენც გაჰკრავე-გაჰკრავეთ თქვენს პატივ-  
ცემულ მეუღლეს.

ლექსი არ დაიბეჭდება

**კ-ახ.** (ნიგოითი) თქვენი წერილი ერმილეს  
შესახებ, რომელსაც ვითომ მშობელი დედა გაუგ-  
დია სახლიდან, ჩვენ შინაურ საქმეთ მიგვაჩნია და  
ვერ დაგებულავთ.



**სონა სალუქვაძეს.** შეიძლება მამა ჩხიკვაძემ  
მართლაც გამოჰყარა ქუჩაში თქვენი ავათმყოფი  
წვრილშვილი იმ დროს, როცა თქვენი მეუღლე  
ციხეში იჯდა, მაგრამ ეს ოჯახური საქმეა და პრე-  
საში ამის გამოცხადება ეთიკას ეწინააღმდეგება.  
ესეც არ იყოს, მიუტყვევებ კეთილ მოაღვარს, რამე-  
თუ იმასა სურს თქვენ მეტი ტანჯვა გამოსცადოთ  
ამ ქვეყნათ და მით დაიძვიდროთ სასუფეველი  
ცათა.

წერილი არ დაიბეჭდება.

**ქუჯუხს.** თქვენ იწერებით: „მოსამსახურე ლე-  
ვანტიმ ისარგებლა ჩემი ნდობით და ოჯახში რაც  
რამ ძვირფასი ნივთი მქონდა გაიტანაო“.

ზევითაც ვთქვით და ახლაც ვიმეორებთ, რომ  
წერილი რომელიც ოჯახურ საქმეს ეხება, ყურნალ-  
ში ადვილს ვერ მოიპოვებს. არ დაიბეჭდება.





**მეიდველი.** აბა სად გავიწილა გირვანქა კარტოფილი აბაზათ ფასობდეს?  
**ვაჭარი.** ჰამაც არ უნდა ფასობდეს, მაგრამ რო აღარ მოდ-ს, გზა შეკრულია.

რედაქტორ-გამომცემელი — ნ. ჯ. ჟღენტისა.

Печатать разр. воен. цензурой.

Типогр. Т-ва „Прогресс“ Лорись-Меликовск. № 1.